



lien-rool-ñan-jikuuļ 2022-23

Jikuuļ ko an Kien ilo Salem-Keizer | District 24J

Raan eo kein kajuon in jikuuļ ej jino ilo raan kein



KILAAJ KO 1-12

Jeptōmba 6:

Raan eo kein kajuon ñan Kilaaj ko 6 im 9

Jeptōmba 7*:

Raan eo kein kajuon ñan Kilaaj ko 1-5, 7-8, 10-12

*Kōnke raan in Wōnje men e, enaaj erumwijiļok awa in ijino ilo raan e

KINDERGARTEN

Jeptōmba 7-9:

Teej in riit an Kindergarten im kweilok an māmā im baba

Jeptōmba 12:

lien emmakūt an Kindergarten ñan last name ko A-L

Jeptōmba 13:

lien emmakūt an Kindergarten ñan last name ko M-Z

Jeptōmba 14*:

Raan eo kein kajuon an AOEP rijikuuļ in Kindergarten

*Kōnke raan in Wōnje men e, enaaj erumwijiļok awa in ijino ilo raan e

*Aolep jikuuļ ko renaaj jino juon awa rumwijiļok aolep Wōnje ñan leļok iien ñan rijerbal ro an jikuuļ jermal ippān doon im kōpooj menin jipañ ko ñan rijikuuļ ro.1

Pellōk ko ñan volunteer ak jermal ilo eijeļok oñān



Eļañne kwoj kōñaan volunteer, ebool kain pellōk ko, im ekoba: chaperoning ak jipañ lale rijikuuļ ro ilo tūreep ko aer, jipañ ilowaan kilaaj, jipañ ilowaan ļaibrāre eo an jikuuļ, jermal ilo bok fair ko, im elōñļok jikin ko jet. Aolep volunteer ro raikuj in kadedeļok criminal history background check mokta jān aer jino jermal in volunteer bwe en maroñ jipañ kōjparok jokne im ājmour eo an aolep rijikuuļ im rijerbal.

Eļañne kwoj kōñaan bōk koñaam ilo volunteer ak kōñaan ekkatak eļapļok kōn jermal in volunteer ippān Jikuuļ ko an Kien ilo Salem-Keizer, jouj im etal ñan: salkeiz.k12.or.us/volunteering

*aolep armej ro rej jede tok im volunteer renaaj aikuj in kwaļok kein kaṃool kōn wā ko aer ak mālim jān district ilo an kōtļok an volunteer kōn joñan ājmour eo an ak tōmak ak kabuñ eo an

Rejijtōr im Kadeļoñ Āt



Baamle ko remaroñ rejijtōri rijikuuļ ro nejier ilo online ilo aer kōjerbal ParentVUE ak ilo aer kōnnaan ippān imōn jikuuļ eo an ajri eo nejier ñan jipañ.

Eļañne ekar wor nejūm rijikuuļ ekar jikuuļ ilo Jikuuļ ko an Kien ilo Salem-Keizer, innām ewor kadede am akkaun ilo ParentVUE. Eļañne kwoj jañin kar activate ak kōjoe akkaun eo am ilo ParentVUE, ekwe imōn jikuuļ eo am emaroñ lewaj meļeļe ko ñan am activate.

Ewor jilu buñtōn ko ñan am rejijtōr e rijikuuļ eo nejūm:

1. Pukōt jikuuļ ta eo rijikuuļ eo (ak ro) nejūm enaaj jikuuļ ie ilo am kūr ļok nōmba eo an Boundary Information Line ilo 503-399-3246 im leļok atōreej eo an kapijuknen ñe ajri ñe ej jokwe ie.
2. Letok rekoot in wā ko an ajri eo nejūm im peba in kaṃool jete iio dettan im peba in kaṃool atōreej eo ej jokwe ie ñan am maroñ rejijtōr e.
3. Rejijtōr e ajri eo nejūm ilo am kūr ļok imōn jikuuļ eo.

Kwomaroñ rejijtōr im kadeļoñ āt ilo online ilo am etal ñan: salkeiz.k12.or.us/parents/enrollment-and-registration

Meļeļe ko ikijeen an ekkar ñan uwe ilo baj im rejijtōr



Ekkar ñan uwe ilo baj ej meļeļe in bwe rijikuuļ eo ej jokwe ilo kapijuknen eo me epād ilowaan bukwōn eo an jikuuļ eo im kapijuknen in epād itulikin joñan kōtaan eo ñan etetal laļ ļok ñan jikuuļ. Kōtaan eo ñan etetal laļ ļok ñan jikuuļ ej 1.0 maļ ñan rijikuuļ ro ilo elementary im 1.5 maļ ñan rijikuuļ ro ilo middle im high school.

Emaroñ kōmman rejijtōr ñan uwe ilo baj ilo iien rejijtōr ilo online ak ilo iien etale āt ko ñan kadeļoñi ilo ParentVUE. Eļañne kwoj aikuj jipañ kadedeļok rejijtōr ilo online, jouj im kūr ļok imōn jikuuļ eo an ajri eo nejūm ñan aer jipañ kanne im kalikkar an dedeļok rejijtōr e ajri eo nejūm ñan uwe ilo baj.

District in enaaj kalikkar iaļ in makūtūt ko an baj ko im awa ko ilo jemļok in Ōkwōj. Enaaj pojak meļeļe ko ilo ParentVUE ak kwomaroñ kūr ļok Transportation ilo 503-399-3100.

Kwomaroñ lale ekkar ke bwe en uwe ilo baj ko waan jikuuļ ilo am etal ñan: tinyurl.com/sk-busfinder